

## 3 Jon

### Äbot täņpani man bureni yānahäk täkaņ ugānpāņ täņkentāņ yāmīne

<sup>1</sup> \* Äbot täņpani täņo watä äma näkä notnapak Gaius gäka man ŋo kudān täņpāņ gamitat. Man bureni bok nadäk täkamäk unīta gäka gäripi-inik nadätat. <sup>2</sup> Notnapak, bānep nadäk-nadäkka täga itak udegān gup käda käyām täņpentawä. Säkgāmān kaņ kuņat yāņ nadāņpāņ Anutu-ken yāņapik täyat. <sup>3</sup> \* Notniye ätutä äbä gäka manbiņam ŋode näwetkuņ; Man bureni nadäkinik täņpāņ buramiņpāņ yāpmāņ kuņat täyak yāņ näwetkuņ. Ude näwerä nadāņpāņ bānepnatä säkgāmān kubä nadāņkut. <sup>4</sup> Nadätan? Äpetnaye nanaknaye man bureni täņo kädet iwat täkaņ, manbiņam u nadāņpāņ bānep täga ärowani-inik nadäk täyat.

<sup>5</sup> Notnapak, gäk äbot täņpani notkaye gäkņa-kät it täkaņ ugānpāņ nämo täņkentāņ yämik täyan, äbot täņpani kudupi ätu imaka, bok täņkentāņ yämik täyan. Kädet uwä tägagāmān! <sup>6</sup> \* Äma kudupi täņkentāņ yāmiņkuno unītä äbot täņpani ŋo iņamiken gäkņo iron kädet u yānahāņkuņ. Unīta äma uwä inken äneņi äbä itkaņ eruk äneņi kunayāņ täņirä bian täņkentāņ yämik täņkuno udegān täņkentāņ yāmi yāpmāņkaņ kuneņ, Anututä ini gäripi nadäk täyak ude. <sup>7</sup> \* Äma uwä Ekāni täņo wāpi yāpmāņ

---

\* **1:1:** 2Jo 1    \* **1:3:** 2Jo 4    \* **1:6:** Tai 3:13    \* **1:7:** 1Ko 9:12,15

kuŋatnayän nadänpäjä Anututa nadäkinik nämo täŋpani-ken monen tuŋumta nämo yänapik täkaŋ. <sup>8</sup> Unita äma udewaniwä täŋkentän yämiŋpäjä man bureni täŋo epän bok täŋpani ude äworeneŋ.

<sup>9</sup> Näk äbot täŋpani ämawebeta man ätu kudän täŋpäŋ yämiŋkuro upänkaŋ Diotrepestä intäjukun äma ude ira yänpäŋ nin täŋo man nämo nadäk täyak. <sup>10</sup> Unita näkä inken ärenpäjä unitäŋo mebäri kwawak api yänahäwet. Uwä ninta jopman yänpäŋ nibek täyak. Täŋkaŋ ugän nämo. Äbot täŋpani notniye kome ätuken nanik ärenirä ini nämo täŋkentän yämiŋkaŋ ätutä täŋkentän yämikta udegän yäjiwät tak täyak. Ba täŋkentän yämiŋirä in äbot täŋpani nämo yän yäwetpäŋ yawat kirek täyak.

<sup>11</sup> \* Unita notnapak tägagämän, gähä kädet waki udewani nämo iwaren. Nämoinik! Kädet tägagän iwat täyi. Äma kädet tägagän täk täkaŋ uwä Anutuken nanik. Täŋ, äma kudän waki täk täkaŋ uwä Anututa nämoinik nadäk täkaŋ. <sup>12</sup> \* Täŋpäkaŋ ämawebe kudup Demitriusta nadäwä säkgämän täŋpäpäŋ unitäŋo manbiŋam yänahäk täkaŋ. Ba Anutu täŋo man burenitä Demitrius täŋo täktäki imaka, yänahäk täyak. Ba nin udegän, imaka säkgämän täk täyak unitäŋo manbiŋam yänahäk täkamän. Täŋkaŋ nin jopman nämo yäk täkamän. Nämo, intä nintawä u man bureniŋän yänahäwani yän nadäk täkaŋ.

<sup>13</sup> \* Man mäyap gäwerayän nadätat upänkaŋ mäyap nämo kudän täŋpäŋ gamayän. <sup>14</sup> Imata, näk kadäni käroni nämo itkaŋ gäkken ärekta nadätat

---

\* **1:11:** 1Jo 3:6-10    \* **1:12:** Jon 19:35    \* **1:13:** 2Jo 12

unita kadäni uken ärewakaŋ man yänpäŋ-nadäk kaŋ täda. <sup>15</sup> Eruk, bänepka kwikinik iton. Täŋkaŋ notkaye näkkät ŋo itkamäŋ nintä oretoret man gäwetkamäŋ. Täŋ, gäkä notnaye gäkkät itkaŋ unita udegän oretoret man kaŋ yäwet.

**Anutu Täŋo Man**  
**The New Testament and portions of the Old Testament**  
**in the Tuma-Irumu Language of Papua New Guinea**  
**Nupela Testamen na sampela Olpela Testamen long**  
**long tokples Tuma-Irumu long Niugini**

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

---

PDF generated using Haiola and XeLaTeX on 11 Nov 2022 from source files dated 9 Oct 2020

914cbf46-f59a-54d1-b209-0f763534edb5